

۲۴ شعبان ۱۳۳۱

بازار ایرانی

۱۵ آذر ۱۳۲۹

عدد — ۵۵

امور اداره و تحریریه و اعلانات و ساثره
ایچون مدیر مسئوله مراجعت ابدالمبدر.

مرقای امتك مقالات متصوفانه لرینه
جریده صوفیه تك حیفه لری
آجیقدر .

جریة صوفیه

شیمدیلك هفته ده بر نشر اولنور .

تصوفی ، دینی ، اخلاقی ، سیاسی جریده اسلامیة در

نسخه سی ۴۰ پاره در

ابونه سی : بر سنه لك اعتبارله ممالك
مئانیه ایچون ۴۰ آلتی آیلغی ۲۵ فروش
وممالك اجنبیه ایچون اون ابکی فرانقدر

محل اداره باب عالی جوارنده ابوالسعود
جاده سنده نجم استقبال مطبعه سی

فلسفه

۱۶

وجود

صفات، اسما و افعال

مظاهرین ظاهر اولان ذات صفات، و افعال حقیقتده حقه اضافله
تظاهر ایدر . هر نه قدر بز بعض افعاله کی حکمتی ادراک ایدم مدیکمزدن
شر و نقصان کی تلقی ایدیور ایسه کده من حیث هی وجود خیر
محضدر . آثارک مفسد و شر اولسنی آثاره نسبت ایتمک لایق دکادر .
زیرا بو کیفیات وجوددن بر کفیتدر . مثلا قتل بر فعل شر در . قتال
شرقی جهتندن قدرت قاتلدن دکادر . قاطعیت آلت قابلیت عضوده
بو له در ، قتل ، زوال حیات جهتندن بر امر عدمی دکیدر ؟ شر مقتضای
غیردر . نزد حکما و محققان علمای صوفیه کوره مسرودات آنه
وجهله وجود خیر محضدر . هر بر کائیک صورتی اسمای آیه دن بر
اسمک مظهریدر . وجود مطلق جمیع وجوه ایله خیر محضدر . هر
کائن جناب حقه نسبتله خیر و موجب ظهور احکام اسمادر .

هر چه بینی محض خیر و حکمت کتر ترا از و رحمت و کرم زحمت
زانکه نامد نمل باطل از حکم فعل باطل نباشد ای سلیم

ارادت ذات مضاف بر امر طلییدر . مشیت ارادتدن اعمدر
(خواست ذاتی حق) هر نه ایسه تجلی ذاتی فرمان بیورور .

حق اسم ذاتدر . طلبک منشی ذاتدر . اسما و صفات دکل اسما
وصفات بر امر ظنیدن عبارتدر . مشیت علمه تابع بر نسبتدر که بر شیک
وجوددن بر وجهله بیلمسنه امکان یوقدر . مشیت علمه تابع اولدینی
کی علمده معلومه تابعدر . معلوم ایسه اعیان ثابته دن عبارتدر . او عالمک
احوالله اعیان عالم آینه حقه منجلی اولور . وجود خارجی ایله حق
و کندی وجود اعتقاد ایدرسک وجود سنک حکمتک آینه سیدر .
حقه هیچ تعدد تصور ایدیلیری ؟ تعدد ذاتیه ک بر طاقم مراتبک
حصوله سبب اولیورمی ؟ رؤیت حق سنک مراتبک اولورده
حقک مراتبی اوله ماز ..

وجود حق بر در . من حیث هو هو اعیان مختلفه کی تعدد
سنکدر . کندی کترنک حسیله تعدد کورورسک بن اعتبار وجودی
ایله بر وجوددن عبارتیم بنم وجودمک بقاسی افاضه حق ایلدر . بن
او وجود ایله پیدا اولدم حقیقم ایله حقدن استفاضه ایدیورم کندی
وجودمده حکمفرما اولان حقددر . حق متصرف حقیقیدر . ساحه
وجود بر بنم بنلکم اعیان ثابته نک مراتب تفصیلیه سندن عبارتدر .
بنده نک علمی کندی تعین ثابته سی طولایسیله دکیدر ؟

ارادت ایله مشیت اراده فرق واردر . تحت ارادته مندیج
اولان حقایقه انبیا و اولیانک اطلاعی واردر . مشیتده مندیج اولان

حقایق بونک عکسنه در . اراده لوح محفوظده مشیت ام الکتابده
مکتوبدر . حق تعالی نک غیری یعنی سوا بیانمز لوح محفوظده مکتوب
اولان اراده به مقضی دیرلر . انبیا و اولیانک دعا سیله متحول اولور .
مشیت بر حکم محکم قضا در . انبیا و اولیا مطلع اوله مدقبری کی دعا ایلده
تحول پذیر اولاماز ایسه ده بنه حقک ییله جکی برایشدر .

حق عالم و اعیان حلائق معلوم معلوم بود حاکم و عالم محکوم
دیک اولیور که علم ازلی اعیانک و اعیانده شئونات حقک تابعلری
اولدینی اکلایدیلور .

علم ازلی تابع اعیان باشد . اعیان همه سرشیون حق را تابع
ابوالهذیلک اشتهار ابتدکی عصرده رؤسای معتزلیندن (ابراهیم
بن سیمار ، بن هان النظم) ده بیوک بر موقع احراز ایتشدی . مأمون
بونلری حضورینه جلب ایدرک بونلرک مناقشات و مباحثاتی استماع
ایله تلذذ ایدردی . نظام جناب حق شرور و قیامدن تزییه مقصیده
قدرت آیه بی تحمید ایده جک درجه ده یک بالا پروازانه سوزلر
سویلمشدر . نظام جناب فاطر اقدسک لایقتهای کلائی بی پایان الطافی
اساسنه بالاستقاد قدرت بارینک قیامده تعلق ایدمه میجکینی سویلمشدر .
نظامک بو فکری استحصانیه مسلاک فلسفی سی ایما ایتیورمی ؟ ارباب
اسزالدن بعضلری حق شرور و قیامده قدرتله وصف اولنه بیاورسده
شروری خالق ایله توصیف اولنه ماز دیورلر . افعال مذکورنک قوله
اسناد ایدیله جکی فکرکنده بولنیورلر . حالبو که نظام قدرتی ده سلب ایلور .
کندی فکر باطلنه کوره حقیقه طوغری کیدوب دیک استیور که
حقک دنیاده انسانلره صلاحیت و استعدادی اولیان شی ایشاتمکه
و آخرتده اهل جنت و نارک ثواب و عقابی تزیید و یا تنقیص ایتمکه قادر
اولدینی ادعا ایدیور . نظام بر از ده ایلرو کیدیور . جناب باری
حقیقتده اراده صفتیه متصف دکادر . جرأت کستاخانه سنده بولنیور .
فقط بونلر چوقدن حل اولنمش مسائلدنر استحصانیه مسلاک فلسفی سنه
ذاهب اولانلر عالمده هر شیئک خیر و حسن اولدینی و یا خود اعمال
حسنه و افعال مدوحه نک مقدوحات و مذموماته غالب اولدینی ادعا
ایدیورلر آیه بات علماسنک اکثریمی جهانک اکل و احسن اولدینه
قاتل اولیورلر ایسه ده اکلیت و احسنیتک معناسنده اتفاق ایدمه میورلر .
کائنات وحدت وجود فکریله تتبع ایدلمکجه اکلیت فصل تجلی ایدر .
احسنیت نه بولده تظاهر ایدر . بو مسلاکک سلاکری یک نیکیبن
اولیورلر .

حکمت عالی و محاسن کالیه لایقتهای ایله متصف اولان حقک
کائنات مصنوعی دکیدر ؟ ذات بارینک عالم خیری انتخاب ایدمه جکندمه
شبه یوقدر دیورلر . مکوناتک بر ذره قدر اهمیتیه ییله یوقدر . چونکه
جهانلر لایقتهایدیر . مشهوداتمز اولان سعادت و کمال قارشونده بزم
نقصانلریز دائرة هیچیدن عد ایدلمزی ؟ کمال عمومی به مقابل نقصان
جزئی به اهمیت و بریلورمی ؟ دیورلر .

توحید پر ہمہ اندر صفات و از ہمہ پاک و مستغنی بزار
 بو مذهبك مقابله برده استقباحیه ظاہر اولیور بونلر مذهب
 استحابیهك عكسہ اولہرق ہر شئی قبیح کوریور، فکر درویشانہ
 کورہ بو مذهب؛ حق و حقیقتہ استناد ایدہ مامشدر۔

مثنویخوان

فہرست

توحید

نشوۂ توحید ایلہ مست اولان کوکلارہ بزم وحدتدں جام جاودان
 صونلدی بی دمده او کوکلار سرکردان اولوب بویله بر قلب سر شاری
 طاشیان عشاق بالہ کاه « لا الہ الا اللہ » ذکر جلیلیہ اقرارہ کلیر .
 « لا الہ الا اللہ » ک اوز نور کجہ سی دوشونولسہ « یوقدر طایاجق،
 چالابر آنجق » سوزندن باشقہ دہا دہ کرلی بر سوز بولونہماز .
 نہ قدر عالی ا لا الہ - یوقدر طایاجق
 الا اللہ - چالابر آنجق

نقی ایلہ اولان اشباتک قاعدۂ قویہ سی بو جملہ جاییہی است متین
 ایمان ایتشددر .

توحید ، اسقاط اضافتددر . مضافات ساقطہ اولونجہ ذات ثابت اولور
 لا الہ اسقاط اضافات الا اللہ اثبات ذات .

توحید ، بر سیف قاطعہ سوء ایلہ ، مؤسس اولان نفس امارہك
 باشی آنجق بو کسر: فقط سیفك حسن استعمالیہ تأمین تأثیری مطلقا
 بر مریدنک ارشادینہ محتاجدر .

مریدی مؤمنین ، پیغمبر من افندمن حضرتلری جناب علی المرتضایہ
 توحید شریفی تعلیم و تلقین بو یوردقلری وقت یاعلی ا اوج دفعہ بن
 ذکر ایدہیم سن باقی، اوج دفعہ سن ذکر ایت بن کورہیم بو یوردیلر
 و مبارک باشلری صاعدن صولہ تحریک ایدہك اوج دفعہ خفیف سسلہ
 لا الہ الا اللہ دہ بوب ، اوج دفعہ دخی امام حیدرہ او قودوب اصول
 اسمایی وضع ایلدیلر .

بر عارف بالہ توحید شریفك دأب مخصوصی بو وجہلہ قیید و
 تنبیہ ایتشددر . « لا » حرفك بر اوجنی صول اوموزدن باشلاہرق
 کو بکک اوستوندن بر لام الف جو زدکدن سوکرا دیگر اوجنی صاغ
 اوموزہ قدر چک ، « الہ » نك الفنی صاغ اوموزدن باشلاہرق لامی
 مد ایدوب های صدرہ قدر کتیر ، « الا » نك الفنی جہت قلبی کوسترہن
 صول ہمہدن باشلاہرق لامی صدرك اوستوندہ بر خط کبی بوکساتدکدن
 سوکرا « لفظہ جلالة » بی آغزندن ایجری تمدید ایلہ ، صوک « ها » ی
 وقفیہ بی دہ نقطہ قابہ براق .

رب السموات والارض حضرتلریك بر سوری ملائکہ سلاہیمی

مأموراً ارضہ اینہك مجالس توحیدی آرار . اورالہ نثار رحمت ایلہ
 وعد مغفرت یتشددرلر . ریاض جنتدن یکدیجککز زمان اورالردہ
 براز اکلہك فیوض قدسیہ سندن منعم اولککز حدیث نبویہیلہ مجالس
 توحیدہ اشارت بو یوراشددر .

اقرار باللسان و تصدیق بالجان ایلہ اسلامی تأسیس ایدن ایکی جملہ
 شریفہ « لا الہ الا اللہ » محمد رسول اللہ ، در اسلامك انمی لا الہ الا اللہ ،
 منعمی محمد رسول اللہ ، بری اقرار وحدت ، بری تصدیق رسالت .
 بو ایکی کلمہ مبارکہ بی بر مرہ بالغ خلوص ایلہ یاد ایدنجہ ظاہرندہ کی
 ظلمت کفری آنہرق نور اسلام ایلہ دائرہ سلامتہ واصل اولور . اللہ
 بر، محمد حق مال شریفی یلہك اینانجہ باطنندہ کی لوٹ شرک باشلری دہ
 سیلر پاک ایدر .

بو ایکی جملہ جیلہ توأمدر . ایکسی دہ اون ایکشر حرفلیدر .
 تساوی حروفدہ ییلہ سر عظیم واردر .

اقرار ایلہ تصدیق بر انسانی مؤمن موحد قیلار . آنجق توحیدك
 مضامین وحدت طرازی تفکرلہ نشئہ ازلی بی شئون حادثات ایچندہ
 بولوب اوندن ذوق آلمق ، اونی بیامک ، اونی ییلدیرمک عرفانددر .
 عرفانك سوزی صحبتی عین عبادت ، ہب توحیددر .

بو مقام رجال اللہ حالی اولوب یالکز ییلدم ، بولدم ، اولدم
 دیمکدن عبارت دہ کلددر . بو مقامہ ندرہ نلردن طاشوب دوکولن سوزلر
 جوہرلر تصوفدر . تصوف ؛ صوفیك صوفی دہ کل، صفاسیدر . ذرات
 کثرت ایچندہ بروجہ وحدت مشاہدہ ایدن عرفای محققین او ذوق
 سرمدی بی سوزہ صیغدیرمق ، تعریف ایتک ایچون بر لسان مخصوصلہ
 متکلم اولمشلرددر .

اونلرک سوزلری آکلامق ؛ اوزلری بیلمک اونلر قدر براہلیت
 قرب و قبولہ ندرمک متوقفدر . توحیدك بو درجہ سی محض وحدتدر .
 یک اندام بر آیینہ تقابل ابتدکی بر یوزی بر کوسترر . اونی بیک
 بارچہ قیرسک ہر بارچہ دہ بر یوز، بیک کورونور بنہ یوز بردر .

« یوز یوز کورونور بر یوزہ یوز آیینہ طونسک »

یوزدر کورون کرچہ فقط یوز بنہ بردر .

عاشقاردن بری « جالی ہر یوزدن کورہم دہین دللر »

شکستہ آیینلر کی بارہ بارہ کرک »

دہمشددر .

اونک ایچون عاشقارک کوکلی ہب منکسدر ، اونک ایچون
 حضرت حق عزوجل بن قلوب منکسردہیم بو یورمشددر .

عرفان ذات اذہانہ صیغماز ، اورایہ اذعان یتشدہ من . عرفانك
 انمی آنجق واری یوق ایتدکدن سوکرا یوغی وار ایتکدر « لا الہ الا
 اللہ » ک دہ معناسی بودر .

مولانا جامیك توحیدہ عائد یک سودیکم آثار عارفانہ سندن

« انما اللہ الہ واحد »

فہوالغائب وهو الشاہد »